

नमो नमो निम्मलदंसणस्स  
पूज्य आनंद-क्षमा-ललित-सुशील-सुधर्मसागर गुरुभ्यो नमः

# On Line – आगममंजूषा

## [२१] पुष्पियाणं

\* संकलन एवं प्रस्तुतकर्ता \*

**मुनि दीपरत्नसागर** [M.Com., M.Ed., Ph.D.]

## ॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।

### \* मूल आगम-मंजूषा के संपादन की किञ्चित् भिन्नता का स्वीकार \*

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।  
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।  
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

**-मुनि दीपरत्नसागर**

: Address:-

**Mnui Deepratnasagar,**  
**MangalDeep society, Opp.DholeswarMandir,**  
**POST:- THANGADH Dist.surendranagar.**  
**Mobile:-9825967397** [jainmunideepratnasagar@gmail.com](mailto:jainmunideepratnasagar@gmail.com)

मुनि दीपरत्नसागर





अच्युए, सव्वत्थ उक्कोसठिई भाणियद्वा, महाविदेहे सिद्धी । २२ ॥ ९, ३-१० ॥ कप्पवडिंसियाओ समत्ताओ, वितितो वग्गो दस अज्झयणा ९ **आगम-२१ →** श्रीपुप्फिया-जति णं भंते! समणेणं भगवया जाव संपत्तेणं उवंगणं दोच्चस्स वग्गस्स कप्पवडिंसियाणं अयमट्ठे पं० तच्चस्स णं भंते! वग्गस्स पुप्फियाणं उवंगणं के अट्ठे पं०?, एवं खलु जंबू! समणेणं जाव संपत्तेणं उवंगणं तच्चस्स वग्गस्स पुप्फियाणं दस अज्झयणा पं० तं० चंदे मूरे मुक्के बहुपुत्तिय पुन्न माणिभद्दे य । दत्ते सिवे बले या अणाट्ठिए चेव बोद्धवे ॥२॥ जइ णं भंते! समणेणं जाव संपत्तेणं पुप्फियाणं दस अज्झयणा पं० पढमस्स णं भंते! अज्झयणस्स पुप्फियाणं के अट्ठे पं०?, एवं खलु जंबू! तेणं कालेणं० रायगिहे नामं नगरे, गुणसिल्लए चेइए, सेणिए राया, तेणं कालेणं० सामी समोसठे, परिसा निग्गया, तेणं कालेणं० चंदे जोइसिंदे जोइसराया चंदवडिंसए विमाणे सभाए सुहम्माए चंदंसि सीहासणंसि चउहिं सामाणियसाहस्सीहिं जाव विहरति, इमं च णं केवलकप्पं जंबुहीवं दीवं विउलेणं ओहिणा आभोएमाणे २ पासति समणं भगवं महावीरं जहा सूरियाभे आभिओगे देवे सहावित्ता जाव सुरिंदाभिगमणजोगं करेत्ता तमाणत्तियं पच्चप्पिणंति, मूसरा घंटा, जाव विउव्वणा, नवरं जाणविमाणं जोयणसहस्सविच्छिन्नं अद्धतेवट्ठिजोयणसमूसियं महिंदज्झतो पणुवीसं जोयणमूसितो सेसं जहा सूरियाभस्स जाव आगतो नट्टविही तहेव पडिगतो, भंते!त्ति भगवं गोयमे समणं भगवं० भंते! पुच्छा, कूडागार-सालादिट्ठंतेण तहेव सरीरं अणुपविट्ठा, पुव्वभवो-एवं खलु गो०! तेणं कालेणं० सावत्थी नामं नयरी होत्था, कोट्टए चेइए, तत्थ णं सावत्थीए नयरीए अंगती नामं गाहावती होत्था अइठे जाव अपरिभूते, तते णं से अंगती गाहाव-ती सावत्थीए नयरीए बहूणं नगरनिगम० जहा आणंदो, तेणं कालेणं० पासे णं अरहा पुरिसादाणीए आदिकरे जहा महावीरो नवुस्सेहे सोलसहिं समणसाहस्सीहिं अट्टतीसाए अज्जियासाहस्सीहिं जाव कोट्टते समोसठे, परिसा निग्गया, तते णं से अंगती गाहावती इमीसे कहाए लद्धट्ठे समाणे हट्ठे जहा कत्तिओ सेट्ठी तहा निग्गच्छति जाव पज्जुवासति, धम्मं सोच्चा निसम्म जं नवरं देवाणुप्पिया ! जेट्ठपुत्तं कुडुंबे ठावेमि तते णं अहं देवाणुप्पियाणं जाव पव्व-यामि, जहा गंगदत्तो तहा पव्वतिते जाव गुत्तबंभयारी, तते णं से अंगती अणगारे पासस्स अरहतो तहारूवाणं थेराणं अंतिए सामाइयमाइयाइं एक्कारस अंगाइं अहिज्जति त्ता बहूहिं चउत्थ जाव भावेमाणो विहरइ, बहूइं वासाइं

८९९ निरयावल्याद्युपांगपंचकं, पुप्फियाणं

मुनि दीपरत्तसागर



सामन्नपरियागं पाउणति ता अद्धमासियाए संलेहणाए तीसं भत्ताइं अणसणाए छेदिता किंचिविराहियसामन्ने कालमासे कालं किच्चा चंदवडिंसए विमाणे उववातसभाते देवसयणिजंसि देवदूसंतरिए चंदे जोइसिंदत्ताए उववन्ने तने णं से चंदे जोइसराया अहुणोववन्ने समाणे पंचविहाए पज्जतीए पज्जतीभावं गच्छइ, तंजहा-आहारपज्जतीए सरीर० इंदिय० आणपाण० भासामणपज्जतीए० भावेमाणे विहरइ, चंदस्स णं भंते! जोइसिंदस्स जोइसरन्नो केवइयं कालं ठिती पं०?, गो०! पल्लिओवमं वाससयसहस्समम्महियं, एवं खलु गो०! चंदस्स जाव जोतिसरन्नो सा दिव्वा देविइठी०, चंदे णं भंते! जोइसिंदे जोइसराया ताओ देवलोगाओ आउक्खएणं० चइत्ता कहिं गच्छिहिति०?, गो०! महाविदेहे वासे जाइं कुलाइं० तओ पच्छा संसारभउत्तिगे सामन्नं पडिवज्जइ कम्मं खवेइ तओ सिज्झिहिति, एवं खलु जंबू! समणेणं० निक्खेवओ । २३ ॥ चंदज्झयणं १०-१ ॥ जइ णं भंते! समणेणं भगवया जाव पुप्फियाणं पढ मस्स अज्झयणस्स जाव अयमट्टे पं० दोबस्स णं भंते! अज्झयणस्स पुप्फियाणं समणेणं भगवता जाव संपत्तेणं के अट्टे पं०?, एवं खलु जंबू! तेणं कालेणं० रायगिहे नगरे, गुणसिलए चेइए, सेणिएराया, समोसरणं जहा चंदो तहा सूरुओवि आगओ जाव नट्टविहिं उवदंसित्ता पडिगतो, पुब्रभवपुच्छा, सावत्थी नगरी कोट्टए चेइए सुपतिट्टे नामं गाहावई होत्था अइडे जहेव अंगती जाव विहरति, पासो समोसदो, जहा अंगती तहेव पब्रइए, तहेव विराहिय सामन्ने जाव महाविदेहे वासे सिज्झिहिति जाव अंतं०, एवं खलु जंबू! समणेणं० निक्खेवओ । २४ ॥ सूरज्झयणं १०-२ ॥ जइ णं भंते! समणेणं भगवता जाव संपत्तेणं उक्खेवतो भाणियव्वो, रायगिहे नगरे, गुणसिलए चेइए, सेणिए राया, सामी समोसदे, परिसा निग्गया, तेणं कालेणं० सुक्के महग्गहे सुक्कवडिंसए विमाणे सुक्कंसि सीहासणंसि चउहिं सामाणियसाहस्सीहिं जहेव चंदो तहेव आगओ नट्टविहिं उवदंसित्ता पडिगतो, भंते!त्ति० कूडागारसाला०, पुब्रभवपुच्छा, एवं खलु गो०! तेणं कालेणं० वाणारसी नामं नयरी होत्था, तत्थ णं वाणारसीए नयरीए अंबसालवणे, सोमिले नामं माहणे परिवसति अइडे जाव अपरिभूते रिउव्वेय जाव सुपरिनिट्टिते, पासे० समोसदे, परिसा पज्जुवासति, तए णं तस्स सोमिलस्स माहणस्स इमीसे कहाए लद्धट्टस्स समाणस्स इमे एतारूवे अज्झत्थिए०-एवं खलु पासे अरहा पुरिसादाणीए पुब्रानुपुब्रिं जाव अंबसालवणे विहरति तं गच्छामि णं पासस्स अरहतो अंतिए पाउम्भवामि, इमाइ च णं एयारूवाइं अट्टाइं हेऊइं जहा पण्णत्तीए सोमिलो निग्गतो खंडियविहूणो जाव एवं वयासी-जत्ता ते भंते! जवणिजं च ते भंते! पुच्छा सरिसवया मासा कुलत्था एगे भवं जाव संबुद्धे सावगधम्मं पडिवज्जित्ता पडिगते, तते णं पासे अरहा अण्णया कदायी वाणारसीओ नगरीओ अंबसालवणातो चेइयाओ पडिनिक्खमति ता बहिया जणवयविहारं विहरति, तते णं से सोमिले माहणे अण्णदा कदायि असाहुदंसणेण य अपज्जुवासणताए य मिच्छत्तपज्जवेहिं परिवड्ढमाणेहिं २ सम्मत्तपज्जवेहिं परिहायमाणेहिं २ मिच्छत्तं पडिवन्ने, तते णं तस्स सोमिलस्स माहणस्स अण्णदा कदायि पुब्ररत्तावरत्तकालसमयंसि कुडुंबजागरियं जागरमाणस्स अयमेयारूवे अज्झत्थिए जाव समुप्पज्जित्था-एवं खलु अह वाणारसीए नयरीए सोमिले नामं माहणे अचंतमाहणकुलप्पसूए तते णं मए वयाइं चिण्णाइं वेदा य अहीया दारा परिणीया गम्भा आहूया पुत्ता जणिता इइठीओ समाणीयाओ पसुवधा कया जप्पा जेट्टा दक्खिणा दिव्वा अतिही पूजिता अग्गी हूया जूया निक्खित्ता, तं सेयं खलु ममं इदाणिं कल्लं जाव जलंते वाणारसीए नयरीए बहिया बहवे अंबारामा रोवावित्तए, एवं माउलिंगा बिह्वा कविट्टा चिंचा पुप्फारामा रोवावित्तए, एवं संपेहेति ता कल्लं जाव जलंते वाणारसीए नयरीए बहिया अंबारामे य जाव पुप्फारामे य रोवावेति, तते णं बहवे अंबारामा य जाव पुप्फारामा य अणुपुव्वेणं सारक्खिज्जमाणा संगोविज्जमाणा संबड्ढिज्जमाणा आरामा जाता किण्हा किण्होभासा जाव रम्मा महामेहनिकुरंबभूता पत्तिया पुप्फिया फलिया हरियगरेरिज्जमाणसिरिया अतीव २ उवसोभेमाणा २ चिट्ठंति, तते णं तस्स सोमिलस्स माहणस्स अण्णदा कदायि पुब्ररत्तावरत्तकालसमयंसि कुडुंबजागरियं जागरमाणस्स अयमेयारूवे अज्झत्थिए जाव समुप्पज्जित्था-एवं खलु अहं वाणारसीए नयरीए सोमिले नामं माहणे अचंतमाहणकुलप्पसूते, तते णं मए वयाइं चिण्णाइं जाव जूवा णिक्खित्ता तते णं मए वाणारसीए नयरीए बहिया बहवे अंबारामा जाव पुप्फारामा य रोवाविया, तं सेयं खलु ममं इदाणिं कल्लं जाव जलंते सुबहुं लोहकडाहकडुच्छुयं तंबियं तावसभंडं घडावित्ता विउलं असणं० मित्तनाइ० आमंतिता तं मित्तनाइणियग० विउलेणं असण० जाव सम्माणित्ता तस्सेव मित्त जाव जेट्टपुत्तं कुडुंबे ठावेत्ता तं मित्तनाइ जाव आपुच्छित्ता सुबहुं लोहकडाहकडुच्छुयंतंबियतावसभंडं गहाय जे इमे गंगाकूले वाणपत्था तावसा भवंति, तं०-होत्तिया पोत्तिया कोत्तिया जंनती सइढती थालती हुंबउट्टा दंतुक्खलिया उम्मज्जगा संमज्जगा निमज्जगा संपक्खालगा दक्खिणकूला उत्तरकूला संखधमा कूलधमा मियलुद्धया हत्थितावसा उइंडा दिसापोकखिणो वक्खवासिणो बिलवासिणो जलवासिणो रुक्खमूलिया अंबुभक्खिणो वायुभक्खिणो सेवालभक्खिणो मूलाहारा कंदाहारा तयाहारा पत्ताहारा पुप्फाहारा फलाहारा बीयाहारा परिसडियकंदमूलतयपत्तपुप्फफलाहारा जलाभिसेयकटिणगायभूता आयावणाहिं पंचगितावेहिं इंगाल-सोल्लियं कंदुसोल्लियंपिव अप्पाणं करेमाणा विहरंति, तत्थ णं जे ते दिसापोकखिया तावसा तेसिं अंतिए दिसापोकखिया तावसत्ताए पब्रइत्तए, पब्रयितेऽविय णं समाणे इमं एयारूवं अभिग्गहं अभिगिण्हिस्सामि-कप्पति मे जावज्जीवाए छट्ठंछट्टेणं अणिक्खित्तेणं दिसाचक्खवालेणं तवोकम्मेणं उइंडं बाहातो पगिज्झय २ सूरामिमुहस्स आतावणभूमीए आतावेमाणस्स विहरित्तएत्तिकट्टु एवं संपेहेइ ता कल्लं जाव जलंते सुबहुं लोह जाव दिसापोकखिया तावसत्ताए पब्रइए, पब्रइएऽविय णं समाणे इमं एयारूवं अभिग्गहं अभिगिण्हिइ ता पढमं छट्टक्खमणं उवसंपज्जित्ताणं विहरति, तते णं सोमिले माहणे रिसी पढमच्छट्टक्खमणपारणंसि आयावणभूमीए पच्चोरुहति ता वागलवत्थनियत्थे जेणेव सए उडए तेणेव उवा० ता कटिणसंकाइयं गेण्हति ता पुरच्छिमं दिसिं पुक्खेति-पुरच्छिमाए दिसाए सोमे महाराया पत्थाणे पत्थियं अभिरक्खउ सोमिलमाहणरिसिं, ता जाणि य तत्थ कंदाणि य मूलाणि य तयाणि य पत्ताणि य पुप्फाणि य फलाणि य बीयाणि य हरियाणि य ताणि अणुजाणउत्तिकट्टु पुरच्छिमं दिसं पसरति ता जाणि य तत्थ कंदाणि य जाव हरियाणि य ताइं गेण्हति किटिणसंकाइयं भरेति ता दम्भे य कुसे य पत्तामोडं च समिहाओ य कट्टाणि य गेण्हति ता जेणेव सए उडए तेणेव उवा० ता किटिणसंकाइयं ठवेति ता वेदिं वड्ढेति ता उवलेवणसंमज्जणं करेति ता दम्भकल(कु)सहत्थगते जेणेव गंगा महानदी तेणेव उवा० ता गंगं महानदीं ओगाहति ता जलमज्जणं करेति ता जलकिइडं करेति ता जलाभिसेयं करेति ता आयंते चोक्खे परमसुइभूए देवपिकयकज्जे दम्भकल(कु)सहत्थगते गंगातो महानदीओ पच्चुत्तरति ता जेणेव सते उडए तेणेव उवा० ता दम्भे य कुसे य वालुयाए (२२५)



य वेदिं रएति ता सरयं करेति ता अरणिं करेति ता सरएणं अरणिं महेति ता अग्निं पाडेति ता अग्निं संधुक्तेति ता समिहा कट्टाणि परिक्खवति ता अग्निं उज्जालेति ता 'अग्निस्स दाहिणे पासे, सत्तंगाई समादहे तं०-सकथं वक्कलं ठाणं, सिज्जं भंडं कमंडलुं। दंडदारुं तहप्पाणं, अह ताई समादहे ॥ ३ ॥ मधुणा य घएण य तंदुलेहि य अग्निं हुणइ, चरुं साधेति ता बलिं वइस्सदेवं करेति ता अतिहिपूयं करेति ता तओ पच्छा अप्पणा आहारं आहारेति, तने णं सोमिले माहणरिसी दोच्चं छट्टक्खमणं० दोच्चंसि छट्टक्खमणपारणंसि तं चेव सब्रं भाणियब्रं जाव आहारं आहारेति, नवरं इमं नाणत्तं-दाहिणाए दिसाए जमे महाराया पत्थाणे पत्थियं अभिरक्खउ सोमिलं माहणरिसिं जाणि य तत्थ कंदाणि य जाव अणुजाणउत्तिकट्टु दाहिणं दिसिं पसरति, एवं पच्चत्थिमेणं वरुणे महाराया जाव पच्चत्थिमं दिसिं पसरति, उत्तरेणं वेसमणे महाराया जाव उत्तरं दिसिं पसरति, पुव्वदिसागमेणं चत्तारिवि दिसाओ भाणि-यवाओ जाव आहारं आहारेति, तने णं तस्स सोमिलमाहणरिसिस्स अण्णया कयायि पुव्वरत्तावरत्तकालसमयंसि अणिच्चजागरियं जागरमाणस्स अयमेयारूवे अज्झत्थिए जाव समुप्पज्जित्था-एवं खलु अहं वाणारसीए नगरीए सोमिले नामं माहणरिसी अच्चंतमाहणकुलप्पसूए, तने णं मए वयाइं चिण्णाइं जाव जूवा निक्खित्ता, तने णं मए वाणारसीए जाव पुप्फारामा य जाव रोविता, तने णं मम सुबहुलोह जाव घडावित्ता जाव जेट्टपुत्तं ठावित्ता जाव जेट्टपुत्तं आपुच्छित्ता सुबहुलोह जाव गहाय मुंडे० पव्वइएऽविय णं समाणे छट्टंछट्टेणं जाव विहरति, तं सेयं खलु ममं इयाणिं कल्लं जाव जलंते बहवे तावसे दिट्ठाभट्टे य पुव्वसंगतिए य परियायसंगतिए य आपुच्छित्ता आसमसंसि-याणि य बहूइं सत्तसयाइं अणुमाणइत्ता वागलवत्थनियत्थस्स कट्ठिणसंकाइयगहितसभंडोवकरणस्स कट्टमुद्दाए मुहं बंधित्ता उत्तरदिसाए उत्तराभिमुहस्स महपत्थाणं पत्थावित्ताए, एवं संपेहेति ता कल्लं जाव जलंते बहवे तावसे य दिट्ठाभट्टे य पुव्वसंगतिते य तं चेव जाव कट्टमुद्दाए मुहं बंधति ता अयमेतारूवं अभिग्गहं अभिगिण्हति-जत्थेव णं अहं जलंसि वा थलंसि वा दुग्गंसि वा निच्चंसि वा पव्वतंसि वा विसमंसि वा गड्डाए वा दरीए वा पक्खलिज्ज वा पवडिज्ज वा नो खलु मे कप्पति पच्चुट्टित्तएत्तिकट्टु अयमेयारूवं अभिग्गहं अभिगिण्हति ता उत्तराए दिसाए उत्तराभिमुहं महपत्थाणं पत्थिए, से सोमिले माहणरिसी पुव्वावरण्हकालसमयंसि जेणेव असोगवरपायवे तेणेव उवागते, असोगवरपायवस्स अहे कट्ठिणसंकाइयं ठवेति वेदिं वड्ढेइ ता उवलेवणसंमज्जणं करेति ता दम्भकुसहत्थगते जेणेव गंगा महानई जहा सियो जाव गंगातो महानईओ पच्चुत्तरइ ता जेणेव असोगवरपायवे तेणेव उवा० ता दम्भेहि य कुसेहि य वालुयाए वेदिं रतेति ता सरगं करेति जाव बलिं वइस्सदेवं करेति ता कट्टमुद्दाए मुहं बंधति ता तुसिणीए संचिट्ठति, तने णं तस्स सोमिलमाहणरिसिस्स पुव्वरत्तावरत्तकालसमयंसि एगे देवे अंतियं पाउब्भूते, तने णं से देवे सोमिलं माहणं एवं वयासी-हंभो सोमिलमाहणा ! पव्वइया दुपव्वइतं ते, तने णं से सोमिले तस्स देवस्स दोच्चंपि तच्चंपि एयमट्टं नो आढाति नो परिजाणइ जाव तुसिणीए संचिट्ठति, तने णं से देवे सोमिलेणं माहणरिसिणा अणाढाइज्ज-माणे० जामेव दिसिं पाउब्भूते तामेव जाव पडिगते, तने णं से सोमिले कल्लं जाव जलंते वागलवत्थनियत्थे कट्ठिणसंकाइयं गहियग्गिहोत्तभंडोवकरणे कट्टमुद्दाए मुहं बंधति ता उत्तराभिमुहे संपत्थिते, तने णं से सोमिले तितियदिवस-म्मि पुव्वावरण्हकालसमयंसि जेणेव सत्तिवत्ते० अहे कट्ठिणसंकाइयं ठवेति वेदिं वड्ढेति जहा असोगवरपायवे जाव अग्निं हुणति कट्टमुद्दाए मुहं बंधति तुसिणीए संचिट्ठति, तने णं तस्स सोमिलस्स पुव्वरत्तावरत्तकालसमयंसि एगे देवे अंतियं पाउब्भूए, तने णं से देवे अंतलिक्खपडिवत्ते जहा असोगवरपायवे जाव पडिगते, तने णं से सोमिले कल्लं जाव जलंते वागलवत्थनियत्थे कट्ठिणसंकाइयं गेण्हति ता कट्टमुद्दाए मुहं बंधति ता उत्तरदिसाए उत्तराभिमुहे संप-त्थिते, तने णं से सोमिले तितियदिवसम्मि पुव्वावरण्हकालसमयंसि जेणेव असोगवरपायवे तेणेव उवा० ता असोगवरपायवस्स अहे कट्ठिणसंकाइयं ठवेति वेदिं वड्ढेति जाव गंगं महानई पच्चुत्तरति ता जेणेव असोगवरपायवे तेणेव उवा० ता वेदिं रएति ता कट्टमुद्दाए मुहं बंधति ता तुसिणीए संचिट्ठति, तने णं तस्स सोमिलस्स पुव्वरत्तावरत्तकाले एगे देवे अंतियं पाउ० तं चेव भणति जाव पडिगते, तने णं से सोमिले जाव जलंते वागलवत्थनियत्थे कट्ठिणसंकाइयं जाव कट्टमुद्दाए मुहं बंधति ता उत्तराए दिसाए संपत्थिए, तने णं से सोमिले चउत्थदिवसे पुव्वावरण्हकालसमयंसि जेणेव वडपायवे तेणेव उवागते वडपायवस्स अहे कट्ठिण० संठवेति ता वेइं वड्ढेति उवलेवणसंमज्जणं करेति जाव कट्टमुद्दाए मुहं बंधति० तुसिणीए संचिट्ठति, तने णं तस्स सोमिलस्स पुव्वरत्तावरत्तकाले एगे देवे अंतियं पाउ० तं चेव भणति जाव पडिगते, तने णं से सोमिले जाव जलंते वागलवत्थनियत्थे कट्ठिणसंकाइयं जाव कट्टमुद्दाए मुहं बंधति ता उत्तराए उत्तराभिमुहे संपत्थिते, तने णं से सोमिले पंचमदिवसम्मि पुव्वावरण्हकालसमयंसि जेणेव उंबरपायवे० उंबरपायवस्स अहे कट्ठिणसंकाइयं ठवेति वेइं वड्ढेति जाव कट्टमुद्दाए मुहं बंधति जाव तुसिणीए संचिट्ठति, तने णं तस्स सोमिलमाहणस्स पुव्वरत्तावरत्तकाले एगे देवे जाव एवं वयासी-हंभो सोमिला ! पव्वइया दुप्पवइयं ते पढमं व भणति तहेव तुसिणीए संचिट्ठति, देवो दोच्चंपि तच्चंपि वदति-सोमिला ! पव्वइया दुप्पवइयं ते, तए णं से सोमिले तेणं देवेणं दोच्चंपि तच्चंपि एवं वुत्ते समाणे तं देवं एवं वयासी-कहणं देवाणुप्पिया ! मम दुप्पवइतं?, तने णं से देवे सोमिलं माहणं एवं वयासी-एवं खलु देवाणुप्पिया ! तुमं पासस्स अरहओ पुरिसादाणीयस्स अंतियं पंचा-णुव्वए सत्त सिक्खावए दुवालसविहे सावगधम्मे पडिवत्ते, तए णं तव अण्णदा कदाइ पुव्वरत्त० कुडुंब जाव पुव्वचित्तितं देवो उच्चारेति जाव जेणेव असोगवरपायवे तेणेव उवा० ता कट्ठिणसंकाइयं जाव तुसिणीए संचिट्ठसि, तने णं पुव्वरत्तावरत्तकाले तव अंतियं पाउब्भवामि हंभो सोमिला ! पव्वइया दुप्पवइयं ते तह चेव देवो नियवयणं भणति जाव पंचमदिवसम्मि पुव्वावरण्हकालसमयंसि जेणेव उंबरवरपायवे तेणेव उवागते कट्ठिणसंकाइयं ठवेति वेदिं वड्ढेति उवलेवणं संमज्जणं करेति ता कट्टमुद्दाए मुहं बंधति ता तुसिणीए संचिट्ठसि तं एवं खलु देवाणुप्पिया ! तव दुप्पवइयं, तने णं से सोमिले तं देवं एवं वयासी-कहणं देवाणुप्पिया ! मम सुप्पवइतं?, तने णं से देवे सोमिलं एवं वयासी-जइ णं तुमं देवाणुप्पिया ! इयाणिं पुव्वपडिवत्तणं पंचअणुवयाइं० सयमेव उवसंपज्जित्ताणं विहरसि तो णं तुज्झ इदाणिं सुपव्वइयं भविजा, तने णं से देवे सोमिलं वंदति नमंसति ता जामेव दिसिं पाउब्भूते जाव पडिगते, तने णं सोमिले माहणरिसी तेणं देवेणं एवं वुत्ते समाणे पुव्वपडिवत्ताइं पंच अणुवयाइं सयमेव उवसंपज्जित्ताणं विहरति, तने णं से सोमिले बहूहिं चउत्थछट्टट्टमजावमासद्धमासखमणेहिं विचित्तेहिं तवोवहाणेहिं अप्पाणं भावेमाणे

९०१ निरयावल्याद्युपांगपंचकं - पुलिउत्ता



बहूई वासाइं समणोवासगपरियागं पाउणति ता अद्धमासियाए संलेहणाए अत्ताणं झूसेति ता तीसं भत्ताइं अणसणाए छेदेति ता तस्स ठाणस्स अणालोइयपडिक्कंते विराहियसम्मत्ते कालमासे कालं किच्चा सुक्कवडिसए विमाणे उववानसभाए देवसयणिज्जंसि जाव ओगाहणाए सुक्कमहग्गहत्ताए उववत्ते. तते णं से सुक्के महग्गहे अहुणोववत्ते समाणे जाव भासामणपज्जत्तीए०, एवं खलु गो०! सुक्केणं महग्गहेणं सा दिव्वा जाव अभिसमन्नागया, एगं पलिओवमं ठिती, सुक्के णं भंते! महग्गहे तातो देवलोगाओ आउक्खएणं० कहिं ग०?, गो०! महाविदेहे वासे सिज्झिहिति०, एवं खलु जंबू! समणेणं० निक्खेवओ। २५॥ सुक्कज्जयणं १०-३॥ जइ णं भंते! उक्खेवओ, एवं खलु जंबू! तेणं कालेणं० रायगिहे नामं नगरे, गुणसिल्लए चेइए, सेणिए राया, सामी समोसडे, परिसा निग्गया, तेणं कालेणं० बहुपुत्तिया देवी सोहम्मे कप्पे बहुपुत्तिए विमाणे सभाए सुहम्माए बहुपुत्तियंसि सीहासणंसि चउहिं सामाणियसा-हस्सीहिं चउहिं महत्तरियाहिं जहा सूरियाभे जाव भुंजमाणी विहरइ, इमं च णं केवलकप्पं जंबुहीवं दीवं विउलेणं ओहिणा आभोएमाणी २ पासति समणं भगवं महावीरं जहा सूरियाभो जाव णमंसित्ता सीहासणवरंसि पुरत्था-भिमुहा सन्निसन्ना, आभियोगा जहा सूरियाभस्स, सूसरा घंटा, आभियोगियं देवं सदावेइ, जाणविमाणं वण्णओ जाव उत्तरिल्लेणं निज्जाणमग्गेणं जोयणसयसाहस्सिएहिं विग्गहेहिं आगता जहा सूरियाभे, धम्मकहा समत्ता, तते णं सा बहुपुत्तिया देवी दाहिणं भुयं पसारइ देवकुमारणं अट्टसयं० देवकुमारियाण य वामाओ भुयाओ अट्टसयं तयाणंतरं च णं बहवे दारगा य दारियाओ य डिंभए य डिंभियाओ य विउवइ, नट्टविहिं जहा सूरियाभो उवदंसित्ता पडिगते, भंते!त्ति भयवं गोयमे समणं भगवं महावीरं वंदइ नमंसति० कूडागारसाला, बहुपुत्तियाए णं भंते! देवीए सा दिव्वा देविड्डी पुच्छा जाव अभिसमण्णागता?, एवं खलु गो०! तेणं कालेणं० वाणारसी नामं नगरी, अंबसा-लवणे चेइए, तत्थ णं वाणारसीए नगरीए भदे नामं सत्थवाहे होत्था अड्डे अपरिभूते, तस्स णं भदस्स सुभदा नामं भारिया सुकुमाला वंझा अवियाउरी जाणुकोप्परमाता याविहोत्था, तते णं तीसे सुभदाए सत्थवाहीए अन्नया कयाइ पुत्ररत्तावरत्तकाले कुटुंबजागरियं० इमेयारूवे जाव संकप्पे समुपज्जित्था-एवं खलु अहं भदेणं सत्थवाहेणं सद्धिं विउलाइं भोगभोगाइं भुंजमाणी विहरामि, नो चेव णं अहं दारगं वा दारियं वा पयामि, तं धन्नाओ णं ताओ अम्मगाओ सुलद्धे जाव णं तासिं अम्मगाणं मणुयजम्मजीवितफले जासिं मत्ते नियकुच्चिसंभूयगाइं थणदुद्धलुद्धगाइं महुरसमुट्ठावगाणि मंजुलमम्मणप्पजंपिताणि थणमूलकक्खदेसभागं अभिसरमाणगाणि पण्हयंति, पुणो य कोमलकमलोवमेहिं हत्थेहिं गिण्हिऊणं उच्छंगनिवेसियाणि देंति समुट्ठावए सुमहुरे पुणो २ मम्मणमंजुलप्पभणिए, अहं णं अधण्णा अपुण्णा अकयपुण्णा एत्तो एगमवि न पत्ता ओहय० जाव झियाइ, तेणं कालेणं० सुव्वतातो णं अज्जातो ईरियासमित्ततो भासासमित्ततो एसणासमित्ततो आयाणभंडमत्तनिक्खेवणासमित्ततो उच्चारपासवणखेलजल्लसिंघाणपारिट्ठावणियासमियातो मणगुत्ताओ वयगुत्ताओ कायगुत्ताओ गुत्तिदियाओ गुत्तबंभयारिणीओ बहुम्सुयाओ बहुपरिवारातो पुत्राणपुत्रिं चरमाणीओ गामाणुगामं दूइज्जमाणीओ जेणेव वाणारसी नगरी तेणेव उवागयातो अहापडिरूवं उग्गहं उग्गिण्हित्ता संजमेणं तवसा० विहरति, तते णं तासिं सुव्वयाणं अज्जाणं एगे संघाडए वाणारसीनगरीए उच्चनीयमज्झिमाइं कुलाइं घरसमुदाणस्स भिक्खायरियाए अड्डमाणे भदस्स सत्थवाहस्स गिहं अणुपविट्ठे, तते णं सुभदा सत्थवाही तातो अज्जातो एज्जमाणीओ पासति ता हट्ट० खिप्पामेव आसणाओ अब्भुट्ठेति ता सत्तट्ट पयाइं अणुगच्छइ ता वंदइ नमंसइ ता विउलेणं असणपाणखाडमसाइमेणं पडिल्लभित्ता एवं वयासी-एवं खलु अहं अज्जाओ! भदेणं सत्थवाहेणं सद्धिं विउलाइं भोगभोगाइं भुंजमाणी विहरामि, नो चेव णं अहं दारगं वा दारियं वा पयामि, तं धन्नाओ णं ताओ अम्मगाओ जाव एत्तो एगमवि न पत्ता, तं तुच्चे अज्जाओ! बहुणायातो बहुपडियातो बहूणि गामागरनगरजावसण्णिवेसाइं आहिंउह बहूणं राईसरतल्लवरजावसत्थवाहप्पभितीणं गिहाइं अणुपविसह, अत्थि से केति कहिंचि विज्जापओए वा मंतप्पओए वा वमणं वा विरेयणं वा बत्थिकम्मं वा ओसहे वा भेसज्जे वा उवलद्धे जेणं अहं दारगं वा दारियं वा पयाएज्जा?, तते णं ताओ अज्जाओ सुभदं सत्थवाहिं एवं वयासी-अम्हे णं देवाणुप्पिए! समणीओ निग्गंथीओ ईरियासमियाओ जाव गुत्तबंभचारिणीओ, नो खलु कप्पति अम्हं एयमट्टं कण्णेहिवि णिसामित्तए, किमंग पुण उद्विसित्तए वा समायरित्तए वा?, अम्हे णं देवाणुप्पिए! णवरं तव विचित्तं केवल्लिपणत्तं धम्मं परिकहेमो, तते णं सुभदा सत्थवाही तासिं अज्जाणं अंतिए धम्मं सोच्चा निसम्म हट्टुट्टा तातो अज्जातो तिक्खुत्तो वंदति नमंसति ता एवं वदासी-सदहामि णं अज्जाओ! निग्गंथं पावयणं पत्तियामि० रोएमि णं अज्जाओ निग्गंथीओ!० एवमेयं तहमेयं अवितहमेयं जाव सावगधम्मं पडिवज्जए, अहासुहं देवा०! मा पडिबंभं०, तते णं सा सुभदा सत्थवाही तासिं अज्जाणं अंतिए जाव पडिवज्जति ता तातो अज्जातो वंदइ नमंसइ ता पडिवि-सज्जति, तते णं सुभदा सत्थवाही समणोवासिया जाया जाव विहरति, तते णं तीसे सुभदाए समणोवासियाए अण्णदा कदायि पुत्ररत्तावरत्तकाले कुटुंब० अयमेयारूवे जाव समुपज्जित्था-एवं खलु अहं भदेणं सत्थ० विउलाइं भोगभोगाइं जाव विहरामि नो चेव णं अहं दारगं वा जाव विहरामि तं सेयं खलु ममं कल्लं जाव जलंते भदं सत्थवाहं आपुच्छित्ता सुव्वयाणं अज्जाणं अंतिए अज्जा भवित्ता अगाराओ जाव पब्वइत्तए, एवं संपेहेति ता कल्ले जेणेव भदे सत्थवाहे तेणेव उवागता करतल्ल० एवं वयासी-एवं खलु अहं देवाणुप्पिया! तुच्चेहिं सद्धिं बहूई वासाइं विउलाइं भोग जाव विहरामि, नो चेव णं दारगं वा दारियं वा पयामि, तं इच्छामि णं देवाणुप्पिया! तुच्चेहिं अणुण्णाया समाणी सुव्वयाणं जाव पब्वइत्तए, तते णं से भदे सत्थवाहे सुभदं सत्थवाहिं एवं वदासी-मा णं तुमं देवाणुप्पिया! इदाणि मुंडा जाव पब्वयाहि, भुंजाहि ताव देवाणुप्पिए! मए सद्धिं विउलाइं भोगभोगाइं, ततो पच्छा भुत्तभोई सुव्वयाणं अज्जाणं जाव पब्वयाहि, तते णं सुभदा समणोवासिया भदस्स एयमट्टं नो आढाति नो परिजाणति दुच्चंपि तच्चंपि सुभदा समणो० भदं एवं वदासी-इच्छामि णं देवाणुप्पिया! तुच्चेहिं अच्चणुण्णाया समाणी जाव पब्वइत्तए, तते णं से भदे स० जाहे नो संचाएति बहूहिं आघवणाहि य एवं पन्नवणाहिं सण्णवणाहिं विण्णवणाहि य आघवित्तए वा जाव विण्णवित्तए वा ताहे अकामते चेव सुभदाए निक्खमणं अणुमण्णित्था, तते णं से भदे विउलं असणं० उवक्खडावेति, मित्तनाति० ततो पच्छा भोयणवेत्ताए जाव मित्तनाति० सक्कारेति सम्माणेति, सुभदं सत्थवाहिं ण्हायं जाव पायच्छित्तं सब्बालंकारविभूसियं पुरिससहस्सवाहिणिं सीयं दुरुहेति, ततो सा सुभदा मित्तनाइ जाव सद्धिं

९०२ निरयावल्याद्युपांगपंचकं, युक्तिर्यता



संपरिवुडा सच्चिद्विदीए जाव रवेण वाणारसीनगरीए मज्झमज्झेणं जेणेव सुवयाणं अज्जाणं उवस्सए तेणेव उवा० ता पुरिससहस्सवाहिणिं सीयं ठवेति, सुभदा सीयातो पच्चोरुहति, तते णं भदे सत्थवाहे सुभदं सत्थवाहिं पुरती काउं जेणेव सुवया अज्जा तेणेव उवा० सुवयाओ अज्जाओ वंदति नमंसति ता एवं वदासी-एवं खलु देवाणुप्पिया ! सुभदा सत्थवाही ममं भारिया इट्टा कंता जाव मा णं वातिता पित्तिया सिंभिया सच्चिवातिया विविहा रोयातंका फुसंतु, एस णं देवाणुप्पिया ! संसारभउच्चिगा भीया जम्मणमरणाणं देवाणुप्पियाणं अंतिए मुंडा भवित्ता जाव पवयति, तं एयं णं अहं देवाणुप्पियाणं सीसिणीभिकखं दलयामि, पडिच्छंतु णं देवाणुप्पिया ! सीसिणीभिकखं, अहासुहं देवाणु-प्पिया ! मा पडिबंधं करेह, तते णं सा सुभदा सुवयाहिं अज्जाहिं एवं वुत्ता समाणी हट्टा० सयमेव आभरणमल्लालंकारं ओमुयइ ता सयमेव पंचमुट्टियं लोयं करेति ता जेणेव सुवयातो अज्जाओ तेणेव उवा० ता सुवयाओ अज्जाओ तिक्खुत्तो आयाहिणपयाहिणं० वंदइ नमंसइ ता एवं वदासी-आलित्ते णं भंते ! लोए पलित्ते णं भंते ! लोए० जहा देवाणंदा तहा पवइता जाव अज्जा जाया जाव गुत्तबंभयारिणी, तते णं सा सुभदा अज्जा अन्नदा कदायि बहुजणस्स चेडरूवे संमुच्छिता जाव अज्झोववणा अब्भंगणं च उवट्टणं च फासुयपाणं च अलत्तगं च कंकणाणि य अंजणं च वण्णगं च चुण्णगं च खेळुगाणि य खज्जुगाणि य खीरं च पुष्पाणि य गवेसति ता बहुजणस्स दारए य दारियाओ य कुमारे य कुमारियाओ य डिंभए य डिंभियाओ य अप्पेगतिआओ अब्भंगेति अप्पे० उवट्टेति एवं अप्पे० फासुयपाणएणं ण्हावेति अप्पेगइयाणं पाए रयति अप्पे० उट्टेति अप्पे० अच्छीणि अंजेति अप्पे० उसुए करेति अप्पे० तिलए करेति अप्पे० दिगिंदलए करेति अप्पे० पंतियाओ करेति अप्पे० छिज्जाइं करेति अप्पेगइए वन्नएणं समालभइ अप्पे० चुन्नएणं समालभइ अप्पे० खेळुगाइं दलयति अप्पे० खज्जुगाइं दलयति अप्पे० खीरभोयणं भुंजावेति अप्पे० पुष्पाइं ओमुयइ अप्पे० पादेसु ठवेति अप्पे० जंघासु करेइ एवं ऊरूसु उच्छंगे कडीए पिट्टे उरसि खंधे सीसे अ करतलपुडेणं गहाय हलउलेमाणी २ आगायमाणी २ परिहायमाणी २ पुत्तपिवासं च धूयपिवासं च नत्तुयपि-वासं च नत्तुइपिवासं च पच्चणुभवमाणी विहरति, तते णं तातो सुवयातो अज्जाओ सुभदं अज्जं एवं वयासी-अम्हे णं देवाणुप्पिए ! निग्गंथीओ ईरियासमियातो जाव गुत्तबंभचारिणीओ नो खलु अम्हं कप्पति जातकम्मं करित्ताए, तुमं च णं देवाणु० बहुजणस्स चेडरूवे संमुच्छिता जाव अज्झोववणा अब्भंगणं जाव नत्तुइपिवासं च पच्चणुभवमाणी विहरति, तं णं तुमं देवाणुप्पिया ! एयस्स ठाणस्स आलोएहि जाव पच्छित्तं पडिवज्जाहि, तते णं सा सुभदा अज्जा सुवयाणं अज्जाणं एयमट्टं नो आढाति नो परिजाणति, अणाढायमाणी अपरिजाणमाणी विहरति, तते णं तातो समणीओ निग्गंथीओ सुभदं अज्जं हीलेंति निंदंति खिसंति गरहंति अभिकखणं २ एयमट्टं निवारेंति, तए णं सुभदाए अज्जाए समणीहिं निग्गंथीहिं हीलज्जमाणीए जाव अभिकखणं २ एयमट्टं निवारिज्जमाणीए अयमेयारूवे अज्झत्थिए जाव समुप्पज्जित्था-जया णं अहं अगारवासं वसामि तया णं अहं अप्पवसा, जप्पभिइं च णं अहं मुंडा भवित्ता आगाराओ अणगारियं पवइता तप्पभिइं च णं अहं परवसा, पुव्विं च णं ममं समणीओ निग्गंथीओ आढेंति परिजाणेंति, इयाणिं नो आढाइंति नो परिजाणंति, तं सेयं खलु मे कल्लं जाव जलंते सुवयाणं अज्जाणं अंतियाओ पडिनिक्खमित्ता पाडिएकं उवस्सयं उवसंपज्जित्ताणं विहरित्ताए, एवं संपेहेति ता कल्लं जाव जलंते सुवयाणं अज्जाणं अंतियातो पडिनिक्खमेति ता पाडियकं उवस्सयं उवसंपज्जित्ताणं विहरति, तते णं सा सुभदा अज्जा अज्जाहिं अणोहट्टिया अणिवारिता सच्छंदमती बहुजणस्स चेडरूवे संमुच्छिता जाव अब्भंगणं च जाव नत्तिपिवासं च पच्चणुभवमाणी विहरति, तते णं सा सुभदा अज्जा पासत्था पासत्थविहारी एवं ओसण्णा० कुसीला० संसत्ता० अहाच्छंदा अहाच्छंदविहारी बहूइं वासाइं सामन्नपरियागं पाउणति ता अद्धमासियाए संलेहणाए अत्ताणं झूसेत्ता तीसं भत्ताइं अणसणे छेदित्ता तस्स ठाणस्स अणालोइयप्पडिकंता कालमासे कालं किच्चा सोहम्मे कप्पे बहुपु-त्तियाविमाणे उववायसभाए देवसयणिज्जंसि देवदूसंतरिया अंगुलस्स असंखेज्जभागमेत्ताए ओगाहणाए बहुपुत्तियदेवित्ताए उववणा, तेणं सा बहुपुत्तिया देवी अहुणोववन्नमित्ता समाणी पंचविहाए पज्जतीए जाव भासामणपज्जतीए०, एवं खलु गो०! बहुपुत्तियाए देवीए सा दिव्वा देविइठी जाव अभिसमण्णागता, से केणट्टेणं भंते ! एवं वुच्चइ-बहुपुत्तिया देवी २ ?, गो०! बहुपुत्तिया णं देवी जाहे २ सक्कस्स देविंदस्स देवरणो उवत्थाणियं करेइ ताहे २ बहवे दारए य दारियाओ य डिंभए य डिंभियातो य विउव्वइ ता जेणेव सक्के देविंदे देवराया तेणेव उवा० ता सक्कस्स देविंदस्स देवरणो दिव्वं देविइंदि दिव्वं देवज्जुइं दिव्वं देवाणुभागं उवदंसेति, से तेणट्टेणं गो०! एवं वुच्चति-बहुपुत्तिया देवी २, बहुपुत्तियाणं भंते ! देवीणं केवइयं कालं ठिती पं०?, गो०! चत्तारिं पलिओवमाइं ठिई पं०, बहुपुत्तिया णं भंते ! देवी तातो देवलोगाओ आउक्खएणं ठितिक्खएणं भवक्खएणं अणंतरं चयं चइत्ता कहिं गच्छिहिति कहिं उवव-ज्जिहिति ?, गो०! इहेव जंबुदीवे दीवे भारहे वासे विंझगिरिपायमूले विभेलसंनिवेसे माहणकुलंसि दारियत्ताए पच्चायाहिति, तते णं तीसे दारियाए अम्मापियरो एक्कारसमे दिवसे वितिकंते जाव बारसेहिं दिवसेहिं वितिकंतेहिं अयमे-यारूवं नामधिज्जं करंति-होउ णं अम्हं इमीसे दारियाए नामधिज्जं सोमा, तते णं सा सोमा उम्मुक्कवालभावा विण्णतपरिणयमेत्ता जोव्वणगमणुपत्ता रूवेण य जोव्वणेण य लाव्वणेण य उक्किट्टा उक्किट्टसरीरा जाव भविस्सति, तते णं तं सोमं दारियं अम्मापियरो उम्मुक्कवालभावं विण्णयपरिणयमित्तं जोव्वणगमणुपत्तं पडिकुविएणं सुक्केणं नियगस्स भायणिज्जस्स रट्टकूडस्स भारियत्ताए दलयिस्सति, सा णं तस्स भारिया भविस्सति इट्टा कंता जाव भंडकरंडगस-माणा तिह्लकेलाइव सुसंगोविया चेलपेलाइव सुसंपरिगहिता रयणकरंडगतोविव सुसारक्खिया सुसंगोविता मा णं सीयं जाव विविहा रोयातंका फुसंतु, तते णं सा सोमा माहणी रट्टकूडेणं सच्चिं विउलाइं भोगभोगाइं भुंजमाणी संवच्छरे २ जुयलगं पयायमाणी सोलसहिं संवच्छरेहिं बत्तीसं दारगरूवे पयाहिति, तते णं सा सोमा माहणी तेहिं बहूहिं दारगेहि य दारियाहि य कुमारएहि य कुमारियाहि य डिंभएहि य डिंभियाहि य अप्पेगइएहिं उत्ताणसेज्जएहि य अप्पे० थणपाएहि य अप्पे० पीहगपाएहिं अप्पे० परंगणएहिं अप्पे० पक्कमाणेहिं अप्पे० पक्खालणएहिं अप्पे० थणं मग्गमाणेहिं अप्पे० खीरं मग्गमाणेहिं अप्पे० खिळ्ळणयं मग्गमाणेहिं अप्पे० खज्जगं मग्गमाणेहिं अप्पे० कूरं मग्ग-माणेहिं पाणियं मग्गमाणेहिं हसमाणेहिं रूसमाणेहिं अक्कोसमाणेहिं हणमाणेहिं विप्पलायमाणेहिं अणुगम्ममाणेहिं रोवमाणेहिं कंदमाणेहिं विलवमाणेहिं कूवमाणेहिं उक्कूवमाणेहिं निदायमाणेहिं पयलायमाणेहिं हदमाणेहिं वम-

९०३ निरयावल्याद्युपांगपंचकं, पु/पु/५२/५१



माणेहिं छेरमाणेहिं मुत्तमाणेहिं मुत्तपुरीसवमियसुलित्तोवलित्ता मइलवसणपच्चडा (दुब्बला) जाव असुई वीभच्छा परमदुग्ंधा नो संचाएइ रट्टकूडेणं सद्धिं विउलाइं भोगभोगाइं भुंजमाणी विहरित्ते, तते णं से सोमाए माहणीए अण्णया कयाइ पुत्ररत्तावरत्तकालसमयंसि कुडुंबजागरियं जागरमाणीए अयमेयारूवे जाव समुप्पजित्था-एवं खलु अहं इमेहिं बहूहिं दारगेहि य जाव डिंभियाहि य अप्पेगइएहिं उत्ताणसेज्जएहि य जाव अप्पेगइएहिं मुत्तमाणेहिं दुज्जाएहिं दुज्जम्मएहिं हयविप्पहयभग्गेहिं एगप्पहारपडिएहिं जेणं मुत्तपुरीसवमियसुलित्तोवलित्ता जाव परमदुग्ंधा नो संचाएमि रट्टकूडेणं सद्धिं जाव भुंजमाणी विहरित्ते, तं धन्नाओ णं ताओ अम्मयाओ जाव जीवियफले जाओ णं वंझाओ अवियाउरीओ जाणुकोप्परमायाओ सुरभिसुगंधगंधियाओ विउलाइं माणूसगाइं भोगभोगाइं भुंजमाणीओ विहरंति, अहं णं अधन्ना अपुण्णा अकयपुण्णा नो संचाएमि रट्टकूडेणं सद्धिं विउलाइं जाव विहरित्ते, तेणं कालेणं० सुव्वयाओ नाम अज्जाओ ईरियासमियाओ जाव बहुपरिवाराओ पुत्राणुपुत्रिं जेणेव विभेले संनिवेसे अहापडिरूवं ओग्गहं जाव विहरति, तते णं तासिं सुव्वयाणं अज्जाणं एगे संघाडए विभेले सन्निवेसे उच्चनीय जाव अडमाणे रट्टकूडस्स गिहं अणुपविट्टे, तते णं सा सोमा माहणी ताओ अज्जाओ एज्जमाणीओ पासति ता हट्ट० खिप्पामेव आसणाओ अब्भुट्टेति ता सत्तट्ट पयाइं अणुगच्छति ता वंदइ नमंसइ ता विउलेणं असण० पडिलाभित्ता एवं वयासी-एवं खलु अहं अज्जाओ! रट्टकूडेणं सद्धिं विउलाइं जाव संवच्छरे २ जुगलं पयामि, सोलसहिं संवच्छरेहिं बत्तीसं दारगरूवे पयाया, तते णं अहं तेहिं बहूहिं दारएहि य जाव डिंभियाहि य अप्पेगतिएहिं उत्ताणसिज्जएहिं जाव मुत्तमाणेहिं दुज्जातेहिं जाव नो संचाएमि विहरित्ते, तमिच्छामि णं अज्जाओ अहं तुम्हं अंतिए धम्मं निसामित्ते, तते णं तातो अज्जातो सोमाते माहणीए विचित्तं केवल्लिपण्णत्तं धम्मं परिकहेति, तते णं सा सोमा माहणी तासिं अज्जाणं अंतिए धम्मं सोच्चा निसम्म हट्टजावहियया तातो अज्जाओ वंदइ नमंसइ ता एवं वयासी-सदहामि णं अज्जाओ! निग्गंथं पावयणं जाव अब्भुट्टेमि णं अज्जातो निग्गंथं पावयणं एवमेयं अज्जातो! जाव से जहेयं तुब्भे वयह जं नवरं अज्जातो! रट्टकूडं आपुच्छामि तते णं अहं देवाणुप्पियाणं अंतिए मुंडा जाव पव्वयामि, अहासुहं देवाणुप्पिए! मा पडिबंधं०, तते णं सा सोमा माहणी तातो अज्जातो वंदइ० ता पडिविसज्जेति, तते णं सा सोमा माहणी जेणेव रट्टकूडे तेणेव उवागता करतल एवं वयासी-एवं खलु मए देवाणुप्पिया! अज्जाणं अंतिए धम्मं निसंते सेऽविय णं धम्मं इच्छिते जाव अभिरुचिते, तते णं अहं देवाणुप्पिया! तुब्भेहिं अब्भणुच्चाया सुव्वयाणं अज्जाणं जाव पव्वइत्ते, तते णं से रट्टकूडे सोमं माहणिं एवं वयासी-मा णं तुमं देवाणुप्पिए! इदाणिं मुंडा भवित्ता जाव पव्वयाहि, भुंजाहि ताव देवाणुप्पिए! मए सद्धिं विउलाइं भोगभोगाइं, ततो पच्छा भुत्तभोई सुव्वयाणं अज्जाणं अंतिए मुंडा जाव पव्वयाहि, तते णं सा सोमा माहणी रट्टकूडस्स एयमट्टं पडिमुणेति, तते णं सा सोमा माहणी ण्हाया जाव सरीरा चेडियाचक्कवालपरिकिण्णा साओ गिहाओ पडिनिक्खमति ता विभेलं संनिवेसं मज्झंमज्जेणं जेणेव सुव्वयाणं अज्जाणं उवस्सए तेणेव उवा० ता सुव्वयाओ अज्जाओ वंदइ नमंसइ ता पज्जुवासइ, तते णं ताओ सुव्वयाओ अज्जाओ सोमाए माहणीए विचित्तं केवल्लिपण्णत्तं धम्मं परिकहेति जहा जीवा बज्झंति०, तते णं सा सोमा माहणी सुव्वयाणं अज्जाणं अंतिए जाव दुवालसविहं सावगधम्मं पडिवज्जइ ता सुव्वयाओ अज्जाओ वंदइ नमंसइ ता जामेव दिसं पाउब्भूआ तामेव दिसं पडिगता, तते णं सा सोमा माहणी समणोवासिया जाया अभिगत जाव अप्पाणं भावेमाणी विहरति, तते णं ताओ सुव्वयाओ अज्जाओ अण्णदा कदाई विभेलाओ संनिवेसाओ पडिनिक्खमंति, बहिया जणवयविहारं विहरंति, तते णं ताओ सुव्वयाओ अज्जाओ अण्णदा कदायि पुव्वानु० जाव विहरंति, तते णं सा सोमा माहणी इमीसे कहाए लद्धट्टा समाणी हट्टा० ण्हाया तहेव निग्गया जाव वंदइ नमंसइ ता धम्मं सोच्चा जाव नवरं रट्टकूडं आपुच्छामि तते णं पव्वयामि, अहासुहं०, तते णं सा सोमा माहणी सुव्वयं अज्जं वंदइ नमंसइ ता सुव्वयाणं अंतियाओ पडि-निक्खमइ ता जेणेव सए गिहे जेणेव रट्टकूडे तेणेव उवा० ता करतलपरिग्गहियं० तहेव आपुच्छइ जाव पव्वइत्ते, अहासुहं देवाणुप्पिए! मा पडिबंधं०, तते णं रट्टकूडे विउलं असणं तहेव जाव पुव्वभवे सुभदा जाव अज्जा जाता ईरि-यासमिता जाव गुत्तवंभयारिणी, तते णं सा सोमा अज्जा सुव्वयाणं अज्जाणं अंतिए सामाइयमाइयाइं एक्कारस अंगाइं अहिज्जइ ता बहूहिं चउत्थल्लट्टट्टमदसमदुवालस जाव भावेमाणी बहूइं वासाइं सामण्णपरियागं पाउणति ता मासि-याए संलेहणाए सट्टिं भत्ताइं अणसणाए छेदित्ता आलोइयपडिक्कंता समाहिपत्ता कालमासे कालं किच्चा सक्कस्स देविंदस्स देवरणो सामाणियदेवत्ताए उववज्जिहिति, तत्थ णं अत्थेगइयाणं देवाणं दो सागरोवमाइं ठिई पं०, तत्थ णं सोमस्सवि देवस्स दो सागरोवमाइं ठिई पं०, से णं भंते! सोमे देवे तातो देवलोगाओ आउक्खएणं जाव चयं चइत्ता कहिं गच्छिहिति०?, गो०! महाविदेहे वासे जाव अंतं काहिति, एवं खलु जंबू! समणेणं जाव संपत्तेणं अयमट्टे पं० । २६ ॥ बहुपुत्तिअज्झयणं १०-४ ॥ जइ णं भंते! समणेणं भगवया उक्खेवओ. एवं खलु जंबू! तेणं कालेणं० रायगिहे नामं नगरे, गुणसिल्लए चेइए, सेणिए राया, सामी समोसरिते, परिसा निग्गया, तेणं कालेणं० पुण्णभदे देवे सोहम्मं कप्पे पुण्णभदे विमाणे सभाए सुहम्मए पुण्णभदंसि सीहासणंसि चउहिं सामाणियसाहस्सीहिं जहा सूरियाभो जाव बत्तीसतिविहं नट्टविहिं उवदंसित्ता जामेव दिसिं पाउब्भूते तामेव दिसिं पडिगते, कूडागारसाला०, पुव्वभवपुच्छा, एवं गो०! तेणं कालेणं० इहेव जंबुहीवे भारहे वासे मणिवइया नामं नगरी होत्था रिद्ध०, चंदोतारणे चेइए, तत्थ णं मणिवइयाए नगरीए पुण्णभदे नामं गाहावई परिवसति अइडे०, तेणं कालेणं० थेरा भगवंतो जाति-संपण्णा जाव जीवियासमरणभयविप्पमुक्का बहुस्सुया बहुपरियारा पुत्राणुपुत्रिं जाव समोसदा, परिसा निग्गया, तते णं से पुण्णभदे गाहावई इमीसे कहाए लद्धट्टे समाणे हट्ट० जहा पण्णत्तीए गंगदत्ते तहेव निग्गच्छइ जाव निक्खंतो जाव गुत्तवंभचारी, तते णं से पुण्णभदे अणगारे तहारूवाणं थेराणं भगवंताणं अंतिए सामाइयमादियाइं एक्कारस अंगाइं अहिज्जइ ता बहूहिं चउत्थल्लट्टट्टम जाव भावित्ता बहूइं वासाइं सामण्णपरियागं पाउणति ता मासियाए संले-हणाए सट्टिं भत्ताइं अणसणाए छेदित्ता आलोइयपडिक्कंते समाहिपत्ते कालमासे कालं किच्चा सोहम्मं कप्पे पुण्णभद्विमाणे उववातसभाने देवसयणिज्जंसि जाव भासामणपज्जत्तीए०, एवं खलु गो०! पुण्णभदेणं देवेणं सा दिव्वा देविइटी जाव अभिसमण्णागता, पुण्णभदस्स णं भंते! देवस्स केवइयं कालं ठिई पं०?, गो०! दो सागरोवमाइं ठिई पं०, पुण्णभदे णं भंते! देवे तातो देवलोगाओ जाव कहिं गच्छिहिति०?, गो०! महाविदेहे वासे सिज्जिहिति जाव अंतं काहिति, एवं खलु जंबू! समणेणं भगवता जाव संपत्तेणं निक्खेवओ । २७ ॥ पुण्णभद्वज्जयणं १०-५ ॥ जइ णं भंते! समणेणं भगवया जाव संपत्तेणं उक्खेवओ. एवं खलु जंबू! तेणं कालेणं० रायगिहे नगरे, गुणसिल्लए चेइए, सेणिए (२२६)



राया, सामी समोसरिते, तेणं कालेणं० माणिभद्रे देवे सभाए सुहम्माए माणिभदंसि सीहासणंसि चउहिं सामाणियसाहस्सीहिं जहा पुण्णभदो तहेव आगमणं नट्टविही, पुव्वभवपुच्छा  
मणिवई नगरी माणिभद्रे गाहावई थेराणं अंतिए पव्वजा एक्कारस अंगाइं अहिज्जति बहूइं वासाइं परियातो मासियां संलेहणा सट्टिं भत्ताइं० माणिभद्रे विमाणे देवत्ताए उववातो, दो  
सागरोवमाइं ठिई, महाविदेहे वासे सिज्झिहिति०, एवं खलु जंबू! निक्खेवओ ॥ माणिभद्वज्झयणं १०-६ ॥ एवं दत्ते सिवे बले अणाढिते सब्बे जहा पुण्णभद्रे देवे, सब्बेसिं दो  
सागरोवमाइं ठिती, विमाणा देवसरिसनामा, पुव्वभवे दत्ते चंदणाणामए सिवे मिहिलाए बलो हत्थिणापुरे नगरे अणाढिते काकंदिते चेइयाइं जहा संगहणीए । २८ ॥ ३ वग्गो ७-१० ॥  
पुप्फिया समत्ता १० ॥ **आगम-२२** → श्रीपुप्फचूलिया-जइ णं भंते! समणेणं भगवता उक्खेवओ जाव दस अज्झयणा पं० तं०- 'सिरि हिरि धिति कित्तीओ बुद्धी लच्छी